

ताए कस्स वि बम्हणस्स कृत्ये पडिवादेसुत्ति भणिअ मम कृत्ये समप्पिदा । ता जाव कं
पि बम्हणं अस्सेसामि । परिकम्पावलोक्य च । एसोक्खु अज्जवसत्तमो इदोस्सेव्व आअच्छ-
दि । ता जाव एदस्सज्जेव्व पडिवादइस्सं ।

ततः प्रविशति कृष्टो वसत्तकः ।

8 विदूषकः । ही ही भो । अज्जक्खु पिअवअस्सेण पसादिदाए देवीए वासवदत्ताए बन्ध-
णादो मोअविअ सक्त्यदिस्सेहिं मोदएहिं उदरं मे पूरिदं । अस्सं च । पटंसुअनुअलं कप्पा-
हरणं च दिस्सं । ता जाव पिअवअस्सं पेक्खामि ।

सुसंगता । रुदती सकसोपसृत्य । अज्जवसत्तम । चिट्ठ दाव ।

विदूषकः । दृष्ट्वा । कथं । सुसंगदा । भोदि सुसंगदे । किं णिमित्तं रोदीअदि । किं णु
10 साम्रिअए अच्चाहिदं संवुत्तं ।

सुसंगता । एदं जेव्व णिवेदइस्सं । सक्खु तवस्सिणी देवीए उज्जइणिं पेसिदत्ति पवादं
कडुअ अद्धरत्ते उवट्ठिदे ण जाणीअदि कहिं णीदत्ति ।

विदूषकः । सोद्विगम् । हा भोदि साम्रिए । अदिणिग्घिणं देवीए कदं ।

सुसंगता । अस्सं च रअणमाला ताए जीविदणिरासाए अज्जवसत्तमस्स कृत्ये पडिवादे-
15 सुत्ति भणिअ मम कृत्ये समप्पिदा । ता गेएकडु अज्जो एदं ।

विदूषकः । सकरुणम् । ण मे ईदिसे पत्थावे कृत्यो एदं गेएकडुं पसरदि ।

उभौ रुदतः ।

सुसंगता । कृताञ्जलिः । ताएज्जेव्व अणुगग्हं करत्तो अङ्गीकोरेडु अज्जो ।

विदूषकः । विचिन्त्य । अथ वा उवणेहि जेण इमाएज्जेव्व साम्रिआविरकडुक्खिदं
20 पिअवअस्सं विणोदइस्सं ।

सुसंगतोपनयति ।

विदूषकः । गृहीत्वा निदूष्य सविस्मयम् । सुसंगदे । कुदो उण ताए ईदिसस्स अलं-
कारस्स समागमो ।

सुसंगता । अज्ज । मए वि एदं जेव्व कोहकलेण पुच्छिदा आसि ।

25 विदूषकः । तदो ताए किं भणिदं ।

सुसंगता । तदो सा उड्ढं पेक्खिअ दीहं णिस्ससिअ सुसंगदे किं तुह एदाए कधाएत्ति
भणिअ रोदिडुं पउत्ता ।

विदूषकः । कधिदं जेव्व सामसज्जणडुल्लहेण इमिणा परिच्छएण । सव्वधा मक्का-
हिज्जणसंभवाए ताए हेदव्वं ति । सुसंगदे । पिअवअस्सो दाणिं कहिं ।

30 सुसंगता । अज्ज । एसोक्खु भट्टा देवीभवणादो णिक्कमिअ फडिअसिलामण्डवं गदो ।
ता गच्छडु अज्जो । अहं पि देवीए पासवत्तिणी भविस्सं ।

इति निष्क्रांतौ ।

इति प्रवेशकः ।